

Ngoenzciet “Caeq Sanhdoj” Nazsihcuz:

Funghgwz Daegbied Banh Ndaej Hoenghhwd

隆重盛大别具风格的纳西族“祭三朵”节

□ Gyangh Lilungzingj Sinhyungz hoiz

Diuqfoux youh ciengq go, sing angq doh gyangdoengh.

Gyoengq beixnuengx Nazsihcuz ranghdieg Byanae Yilungz Yinznanz Swngj, moix bi liggaueq ndwenngieih cobet cungj gvaq ngoenzciet dwkcaeq hoenghhwd ndeu, heuhguh “ciet Sanhdoj”, dwg vunz Nazsihcuz dwkcaeq boux saenzhenhoh ceiq ak bonj minzcuz—“saenz Sanhdoj”, caemh dwg ngoenzciet minzcuz fapdingh Nazsihcuz.

“Ciet Sanhdoj” dwg daj Hoihmiuh Bwzyoz Mbanjyilungz cienz roengzdaeuj, “Sanhdoj” dwg saenzlingz bonjcawj caeuj saenzhenhoh ceiq ak Nazsihcuz, riuzgangj dwg boux saenzhoenxcienq gwiuh maxhau, daenj buhgyaphau, daenj mauhdiethau, fwngz gaem fagnangxhau ndeu, ciengzciengz okdaeuj baujhoh gij ancienz vunz Nazsihcuz, vunz Nazsihcuz daj Ciuhdangz couh laeb miz ranzmiuh dwkcaeq. Riuzgangj ciuhgeq miz boux canghdwknayen ndeu, miz bi he ndwenngieih cobet dwg biyengz, bae gwnz Byanae Yilungz dwknyaen seiz yawjraen ndaek rinnae geizheih ndeu, couh aemq ndaekrin maranz, byaij daengz gizdieg gvaqlaeng guh miuh haenx seiz, rinnae gig naekcaemq, couh dingz roengzdaeuj yietbaeg, yaep he caiq siengj aemq ndaekrin byaij roen seiz, rinnae cix naek dwk gaex mbouj doengh saek di lo. Gyoengqvunz rox le nyinhnaeuz neix dwg aenn dang goengsaenz bienqbaenz, couh youq dieg de guh miuh dwkcaeq, cigdaengz seizneix.

“Ciet Sanhdoj” moix bi banh baez ndeu, moix daengz liggaueq ndwenngieih cobet ngoenz dwkcaeq “Sanhdoj” neix, gij beksingq ranghdieg neix cungj angqyangz comz youq laj dinbya Byanae Yilungz, guh dwkcaeq “saenz Sanhdoj” hozdung, banh ciengq go eu fwen daengj gak cungj gak yiengh vwnz dij hozdung. Gij gojriuz ndeidingq caeuj gij gingj gyaundeih Byanae Yilungz hungsang doxdaengh doxdak, hawj gyoengqvunz ndaej camgya guh gak cungj hozdung, youh ndaej yawj gingj guh ’angq, ndigah ngoenzciet cungj vunz lai vunz daih, sing go sing fwen hwnzngoenz mbouj dingz, nauhyied hoenghhwd dangqmaz.

Liggaueq ndwenngieih cobet, dieg baihnanz guek raeuz cix daengngoenz ronghcangx mbwn gvengq va hai, dauqcawq loegheu homfwt, engq habngamj gvaq ciet. 1988 nienz, aen ciet ndaej dingh guh ngoenzciet minzcuz conzdungj Nazsihcuz, baenz gak cuz beixnuengx ranghdieg Byanae Yilungz ngoenzciet doxcomz angqyangz yawj gingj ndei seizcin caemhcaez guh—angq ndeu, hawj fungsug conjdungj maenhndei ngoenzciet ndaej daihdaih swncienz roengzbae.



▲ Foux daegsaek minzcuz, ngoenzciet duj aeu diuq.

► Saenzhenhoh “Sanhdoj”, cunz doh rangh Byanae.



▲ Siu yieng caeq goengsaenz, rangh gaenhlaz an'onj.



▲ Ngoenzciet ranz ngamq rongh, vunz doxdongx bae comz.



▲ Dwkcuegq yizsi hoengh dangqmaz, goengsae dunghbah daiq mbaenj fuk.



▲ Ngeih nyied bet ngoenzndei, gyoengq beixnuengx angq raeuh.



▲ Beixnuengx comz giz ndeu, diuq foux guh caeqbaiq.



▲ Ngoenzciet vunz angq lai, ciengq go caiq diuq foux.



▲ Naj miuh vunz caen lai, caez caeqbaiq “Sanhdoj”.